



Ault-Lengtörp on aule Lengtörper Lütt vör 1895

von Peter Hamacher

Dat van dr „Quecke“ gebreihde Beld von Lengtörp ut min Kengerticht ess suh reiht e „Stöckske Häzz“ von frö-ihier on mr denkt noch mett Freud an die Scholljohre trükk. Watt nu die Persuhne anbtrefft, so well ech se mohl beschriewe: De Meddelste von dänn dre-i lenks es dr aule „Just Schmitz“, E-ijendühmer vom Kothe, em Volksmond „Dr Pupköther“ jehe-ische. He bedriev newer sinner Wietschaft noch Burschaft on Ferkeshangel. He haht noch zwei loßledige Schwestere, die ömm dr Hushault opreihht hiehle. Em Dörp wohren se bekannt als „Brett-Üll“ on „Ste-in-Üll“. Die e-ine davon haht sech e Jönke to-ujeleiht, (Dat wor damals och schon Muhde.) Dat Jönke haht der Nahme „Et Jüsske“ udder „Dr jonge Puhp“.


Dr Ischte von lenks es dr Pitter Momm. He wohr Pazzkneiht be-im Pupköther. Dr Dredde von lenks wohr dr Kaiser Heinrich I. von Lengtörp. De Viehde von lenks wohr dr Aule Oberem on wonnden en dämm Huhs vör dr „Renn“ (jetzt Wilh. Holtschneider). An dr Bendicks Schmett ste-ihht Vahder on Suhn. Alle zwei sind frö-i jestorwe, weil die Bendicks Schmett arg onnjesonkt wohr. Dr leizte von lenks sall wahl dr Postme-ister Otto Holtschniehder sin. De Mann reihts es dr Vatter Habig. He wohr Muhrerme-ister on haht en ganze Krazzmang voll Jonges, die äwwer all Lengtörp dr Rögge jedrennt hant. Dat Fräuke reihts es et Griet Rasper. Et wohr en där Tieht, wo die Frau-lütt noch benött wohre, datt die Jonges de Wahde nitt te senn kreje. Doröm jingen de Kle-ider böss op de Ehd. En dämm Huhs, wo et Griet ste-it, wonnden dr aule Wellem Becker. He haht Bäckerei on Schmeerlahde. Och bedriev he e Besske Burschaft met nem Oos. Wenn wir Scholljonges ömm ärgere woldden, dann riehten wir de

Ladedühr ope on riepen: „Saht, Ühm, sieht Ihr dr Pieljrato“? on liepen dann wakker fott. De Name Pieljrato haht he jekreje, weil he immer keeze-rahnd jong on stong. En dämm Huhs vom Pieljrato haht dr Dorfriseur, dr aule Just Plänk, sin Stuw. Tagsüwer jing he als Boscharbe-ider on owends dieht he Hohrschniede on rasiere. Et Rasiere kosten damals e-ine Jrosche, on dann kreg mr och noch en Zigahr drbe-i. Trotz dänn bellege Priese es dr Plänk noch riek jewohde.

Von dämm Jüsske, kann ech e schühn Stöckske vertälle. Em Herbst 1885 moss es Jüsske nomm Kommiss; he wuht be-i de Düsseldorper Ulane enjetrokke. Als he sinn Tieht ömm haht, passierden folgendes: Dr damalige Jraf Spee von Linnep haht be-i de Düsseldorper Ulane e paar welde Pehd jekoppt. Op ne juhde Dagg lieht dr Jraf die Diehre ennsparne on met dr Jikk, (om Bock soht dr Kutscher Franz Becker) jing et hässde nitt jesenn op Lengtörp ahn. Schon op dr Krommewejerstroot jingen die Pehd dorch. De Kutscher, de e Onjlöck kuhme sohr, wolld die welde Diehre en de Jahdesheck be-im Stöckk (jetzt Haufs) driewe. Wie de Jraf dat merkten, rieht he dämm Kutscher de Zügel ut dr Hank on trokk dat reihte Pehd erömm. Em selwe Moment kohm die Jikkan ne Kommunalste-in, die Jikk flohr ömm, on Jraf on Kutscher flohren arj mettjenohme op de Stroot. Die Pehd wuhden jetzt noch doller on liepen wie von nr Wepsch jestooke, dorch et Dörp. An Klötgens Schmett (hütt Füsger) stonk ne Holtware uet Langholt. Do liepen die Pehd erenn, suh dat e-ins drvon sofort affjeschlacht wehde moss. Ongertösche wohr dat ganze Dörp tesahme jelo-üpe. För de schwerverletzte Jraf, on sinne Kutscher moss sofort dr Doktor en Ratinge jehollt wehde. Telefon jow et

noch nit. Do kohm et Jüsske, he haht mär e Hemp. en Books on Strömp ahn, miehkt dat jesonge Pehd loss, nohm dat Gescherr eronger on rieht ohne Sattel op Ratinge ahn. An dr Stockfechsbröckk (hütt Fleermann) wohr damals de Wäch noch arj schmal. Do kohm ne Keel met nr Schuffkahr entjeje. Et Jüsske sadden met dämm Pehd em Jalopp üwer Mann on Schuffkahr erüwer. Dann jing et häs-de nit jesenn widder op Ratinge ahn. Wie et Jüsske trükk kohm, wohr dat Pehd en Schuhm jebait. Do kreg et Jüsske als Belohnung för sinn Heldetaht vom Jraf noch döchtig dr Puckel jewäsche, weil he dat Pehd su affjedriewe haht.

Dr Einhaus aus Ratinge konnt dr Jraf nit mieh rette. He stow am nächste Dagg. De Kutscher kohm dorch, wohr äwwer för sinn Lewe ne Krüppel. Die Verletzde haden se en de Wiet-schaft Ropertz erenn jedrahe, wo se juht opjepasst wuhden. Als Belohnung kreg dafür em nächste Johr dr Ropertz de volle Konzession.



Der Verfasser
und Gewinner unserer Preisaufgabe

(Aus „Die Quecke“ Nr. 3 / 4 - April 1951)